



SAKSPAPIR

Saksnr	Utval	Type	Dato
91/2019	Kommunestyret	PS	16.12.2019

Sakshandsamar	Arkiv	ArkivsakID
Lin Tove Thomassen	FE-033	19/1345

INTERPELLASJON TIL KOMMUNESTYRET - DELTAKING I FORSØK MED STATLEG FINANSIERING AV OMSORGSTENESTENE (SIO)

Frå Boris Groth ligg det føre slik interpellasjon:

Deltaking i forsøk med statleg finansiering av omsorgstenestene(SIO)

Fremskrittspartiet er opptatt av at eldre og personar med behov for pleie skal få best moglege omsorgstenester i Vaksdal kommune. Alle med omsorgsbehov har krav på gode og verdige tenester, og tenestene skal vere tilgjengeleg når behovet inntreff – og ikkje vere avhengig av kommunens økonomi. I åra som kjem vil det bli fleire personar som får behov for pleie og hjelp, samtidig er det over lang tid synleggjort at det er stort behov for auka ressursar til omsorgstenestene i kommunen. Fremskrittspartiet meiner difor me må prøva ut nye løysingar i Vaksdal kommune, som kan bidra til å utvikla omsorgstenestene våre, og som sikrar at eldre og personar med behov for pleie får gode og trygge tenester.

Fremskrittspartiet ynskjer difor at Vaksdal kommune skal delta i regjeringas forsøk med statleg finansiering av omsorgstenestene. I dette forsøket er det staten som finansierer omsorgstenestene i kommunane, og midlane vert øyremerkte. Forsøket omfattar alle omsorgstenester og starta opp i 2016. seks kommunar har så langt delteke i forsøket. Desse kommunane melder om gode erfaringar, og trekk mellom anna fram økt brukarmedverknad, at tilsette har fått økt sin kompetanse og forstår brukarane sine behov betre, og betre samarbeid internt i kommunen. Kommunane meiner dei også gjennom forsøket kan gi brukarane betre og hyppigare vedtak om tenester.

Forsøket styrkjer ikkje berre omsorgstenestene fagleg i kommunane som deltek. Gjennom dette forsøket vil Vaksdal kommune også få eit inntekstpåslag tilsvarande fire prosent av netto driftsutgifter på omsorgsområdet (avgrensa oppover til 28 mill. kroner per år). Desse midlane skal nyttast til å styrka omsorgstenestene. Dette vil gje betre tenester til brukarane i kommunen. Og på denne måten vil forsøket også gje Vaksdal kommune ein auka moglegheit til å prioritera omsorgstenestene, noko alle partia i Vaksdal ga uttrykk for at dei ynskte i valkampen 2019.

FrP i Vaksdal kommune vil med bakgrunn i dette føreslå at fyljande vedtak vert fatta:

1. Vaksdal kommune søker om deltaking i forsøksprosjektet med statleg finansiering av omsorgstenestene innan søknadsfristen 1.februar 2020.

Subsidiært:

2. Rådmann får i oppdrag å utarbeida sak til kommunestyret innan januar 2020, der søknad for Vaksdal Kommune om deltaking i forsøksprosjektet med statleg finansiering av omsorgstenestene vert greidd ut og klargjort for vedtak, innan søknadsfristen 1.februar 2020.

Informasjon om forsøksprosjektet finn ein her:

Videosnutt om ordninga frå Helsedirektoratet:

https://www.youtube.com/watch?v=BZHv2PPnXrw&feature=emb_logo

Helsedirektoratet si informasjonsside om søknadsprosess, kriteria og erfaringar så langt:

<https://www.helsedirektoratet.no/tilskudd/statlig-finansiering-av-omsorgstjenester>

Kommunestyret - Sak 91/2019

KOM - Behandling:

Boris Groth (FRP) la fram saka for kommunestyret og ba om at det vart røysta over to framlegg til vedtak.

Svar på interpellasjon frå Boris Groth (Frp) vedrørande deltaking i forsøk med statleg finansiering av omsorgstenestene frå ordførar:

"Me har bestilt ein gjennomgang av helse og omsorg i 2020. Denne prosessen vert forankra lokalt, og vil danna grunnlaget for den vidare drifta av omsorgstenester i kommunen vår. Det er viktig at gjennomgangen skjer lokalt. Det er viktig at me har eigarskap til organisering, kvalitet og økonomi lokalt, for det er me som kjenner våre forhold best.

Ved å gje det økonomiske ansvaret frå oss til staten, gir kommunane frå seg ei stor og viktig oppgåve. Budsjettet for helse og omsorg utgjer om lag 1/3 av budsjettet vårt. Dersom me gjev frå oss det økonomiske ansvaret for helse og omsorg til staten reduserer og sentraliserer me den kommunale drifta og ansvaret vårt dramatisk.

Tanken er kanskje i utgangspunktet god, at når staten deler ut midlar, så vert det likt for alle. På den andre sida veit ein at lokale tilpassingar og lokalkunnskap er viktig i utforminga av gode tenester.

Frp er det einaste partiet sentralt som per i dag arbeider for at omsorgstenestene skal bli statleg finansiert. Det spelar også inn i mi avgjer og gir oss som lokalpolitikarar nokre signal. Skal me gå inn i noko som kan bli ein kortvarig overgang samstundes som me har ein gjennomgang av tenestene våre? Då vert det i så fall ny omstilling etter at prøveperioden er ferdig, og ordninga med statlege direkteoverføringar kanskje ikkje vert vidareført.

Staten betalar vesentleg meir til kommunane gjennom dette forsøket. Er det sannsynleg at dette kan

bli vedtatt som ei omorganisering heile landet skal gjera på same vilkår som forsøkskommunane? Få kommunar har gjennomført forsøket så langt, og denne låge oppslutninga gjer at ein ikkje vil kunne gjera seg nytte av erfaringane frå prosjektet på generelt grunnlag. Om staten er villig til å bruke meir pengar på helse og omsorgstenester, kvifor har dei ikkje tillit til at me lokalpolitikarane får dette inn i rammene våre?

Eg meiner me må ha tillit til vår eigen plan og den gjennomgangen som kjem. Me lokalpolitikarar skal saman med administrativ leiing og alle dei tilsette i helse og omsorg tilpasse og ta ansvar for ein god og forsvarleg eldreomsorg i Vaksdal kommune i framtida.

Boris Groth har i sin interpellasjon laga framlegg til vedtak, og det skal me stemme over. Eg har lagt fram mitt syn på saka, og sidan er det opp til kvar og ein av representantane å avgjera for eigen del"

Det vart så opna for debatt.

Det vart først røysta over Boris Groth sitt punkt nr. 1:

"Vaksdal kommune søker om deltaking i forsøksprosjektet med statleg finansiering av omsorgstenestene innan søknadsfristen 1.februar 2020."

Forslaget fekk to stemmer (FRP) og falt.

Det vart deretter røysta over punkt nr. 2:

"Rådmann får i oppdrag å utarbeida sak til kommunestyret innan januar 2020, der søknad for Vaksdal Kommune om deltaking i forsøksprosjektet med statleg finansiering av omsorgstenestene vert greidd ut og klargjort for vedtak, innan søknadsfristen 1.februar 2020."

Forslaget fekk 6 stemmer (FRP og H) og falt.

KOM - Tilråding/Vedtak: